

Cynigion a Gwelliannau i'w Trafod ar 03 Mai 2006

Cynigion a gyflwynwyd ar 25 Ebrill 2006

Dadl Fer

NDM 3000 Ieuan Wyn Jones (Ynys Môn): Dyfodol Is Swyddfeydd Post yng Nghymru.

NDM3001 Jane Hutt (Bro Morgannwg)

Cynnig bod Cynulliad Cenedlaethol Cymru, gan weithredu dan adran 62 (1) (b) Deddf Llywodraeth Cymru 1998, yn penderfynu dirprwyo swyddogaethau'r Cynulliad Cenedlaethol a gynhwysir dan Adrannau 19 i 21 Deddf Ymddygiad Gwrthgymdeithasol 2003, ac eithrio'r rhai na ellir, yn ôl y gyfraith, eu dirprwyo yn y modd hwnnw.

Ni fydd dim yn y cynnig hwn yn lleihau goruchafiaeth awdurdod y Cynulliad llawn nac yn lleihau rôl Pwyllgorau'r Cynulliad wrth arfer y swyddogaethau uchod.

Gwneir y dirprwyo hwn ar y ddealltwriaeth y dirprwyir y swyddogaethau hynny ymhellach, fel y bo'n briodol, i'r Gweinidog Cynulliad priodol ac i staff.

Gellir canfod copi o Ddeddf Ymddygiad Gwrthgymdeithasol 2003 ar y rhyngrwyd drwy ddilyn y ddolen gysylltiedig:

<http://www.opsi.gov.uk/acts/acts2003/20030038.htm>

NDM3002 Jane Hutt (Bro Morgannwg) TYNNWYD YN ÔL

Cynnig bod Cynulliad Cenedlaethol Cymru:

Yn ystyried egwyddor Rheoliadau Addysg (Gorchmynion Rhianta) (Cymru) 2006 y gosodwyd copi ohonynt yn y Swyddfa Gyflwyno ar 21 Mawrth 2006.

NDM3003 Jane Hutt (Bro Morgannwg) TYNNWYD YN ÔL

Cynnig bod Cynulliad Cenedlaethol Cymru:

1. Yn ystyried adroddiad y Pwyllgor Deddfau a osodwyd yn y Swyddfa Gyflwyno ar 4

Ebrill 2006 ynghylch y rheoliadau drafft, Rheoliadau Addysg (Gorchmynion Rhianta) (Cymru) 2006; a

2. Yn cymeradwyo bod y rheoliadau drafft, Rheoliadau Addysg (Gorchmynion Rhianta) (Cymru) 2006 yn cael eu gwneud yn unol ag:

a) y drafft a osodwyd yn y Swyddfa Gyflwyno ar 21 Mawrth 2006; a

b) yr Arfarniad Rheoliadol a osodwyd yn y Swyddfa Gyflwyno ar 27 Mawrth 2006.

NDM3004 Jane Hutt (Bro Morgannwg) TYNNWYD YN ÔL

Cynnig bod Cynulliad Cenedlaethol Cymru:

Yn ystyried egwyddor Gorchymyn Deddf Ymddygiad Gwrthgymdeithasol 2003 (Cychwyn Rhif 5) (Cymru) 2006 y gosodwyd copi ohono yn y Swyddfa Gyflwyno ar 21 Mawrth 2006.

NDM3005 Jane Hutt (Bro Morgannwg) TYNNWYD YN ÔL

Cynnig bod Cynulliad Cenedlaethol Cymru:

1. Yn ystyried adroddiad y Pwyllgor Deddfau a osodwyd yn y Swyddfa Gyflwyno ar 4 Ebrill 2006 ynghylch y gorchymyn drafft, Gorchymyn Deddf Ymddygiad Gwrthgymdeithasol 2003 (Cychwyn Rhif 5) (Cymru) 2006; a

2. Yn cymeradwyo bod y gorchymyn drafft, Gorchymyn Deddf Ymddygiad Gwrthgymdeithasol 2003 (Cychwyn Rhif 5) (Cymru) 2006 yn cael ei wneud yn unol â'r drafft a osodwyd yn y Swyddfa Gyflwyno ar 21 Mawrth 2006.

Cynigion a gyflwynwyd ar 28 Mawrth 2006

NDM2986 Alun Ffred Jones (Caernarfon)

Cynnig bod Cynulliad Cenedlaethol Cymru, yn unol â Rheol Sefydlog 31.2:

Yn cefnogi mewn egwyddor ddeddfwriaeth i gyflwyno gorchymyn datblygu a fyddai'n ei gwneud hi'n ofynnol i gynnwys asesiadau effaith adwerthu gyda cheisiadau cynllunio ar gyfer datblygiadau adwerthu gydag arwynebedd llawr o dros 1,000 metr sgwâr, ac i'r asesiadau hynny gael eu paratoi gan berson annibynnol a ddewisir trwy gytundeb y ceisydd a'r awdurdod cynllunio lleol.

Mae datganiad o bwerau cyfreithiol a fyddai'n caniatáu'r ddeddfwriaeth a gynigir, ac arwydd o'r goblygiadau o ran adnoddau a deunyddiau eraill er mwyn helaethu ar y

cynnig, fel a ganlyn:

Datganiad o bwerau cyfreithiol:

Gellid llunio'r is-ddeddfwriaeth ddrafft dan Adran 62 Deddf Cynllunio Gwlad a Thref 1990 fel y'i diwygiwyd gan Adran 42 Deddf Cynllunio a Phryniant Gorfodol 2004.

Goblygiadau o ran adnoddau:

Ychydig o oblygiadau o ran adnoddau a ddisgwylir. Bydd y darpariaethau hyn yn golygu rhywfaint o waith ychwanegol i awdurdodau cynllunio, ond y ceiswyr fydd yn talu'r gost o gomisiynu asesiadau.

Deunydd Cefndir:

Mae'r ddeddfwriaeth hon yn cynyddu gallu awdurdodau cynllunio i gyflawni amcanion a gynhwysir yn y ddogfen, 'Polisi Cynllunio Cymru', sy'n cynnwys: sicrhau darpariaeth adwerthu gystadleuol i bob cymuned; a gwneud canol trefi, rhanbarthau, ardaloedd a phentrefi yn fwy bywiog, yn fwy deniadol ac yn fwy hyfyw.

Gwelliannau a gyflwynwyd ar 26 Ebrill 2006

Cynnig bod y Cynulliad yn penderfynu mabwysiadu'r gwelliannau isod i gynigion:
NDM2986

1. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig

Dylai'r gorchymyn datblygu ei gwneud hi'n ofynnol bod yr asesiad effaith adwerthu yn ystyried yr effaith ar adwerthu cyffredinol mewn canol trefi, nid dim ond adwerthu bwyd, a dylai hefyd gynnwys asesiad llawn o unrhyw effaith bosibl ar yr amgylchedd.

2. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig

Dylai'r gorchymyn datblygu hefyd ei gwneud hi'n ofynnol cael asesiadau effaith adwerthu ac amgylcheddol cyffredinol pan fydd datblygiadau adwerthu dros 1000 metr sgwâr yn ychwanegu llawr mesanïin.